

LIBANGA 3 LULWIMI LWASEKHAYA

# Umbhalo waDvubile



Incwadzi

4

SISWATI



# Kufundza ngemacembu ngekusitwa nguthishela

## Sandvulela kufundza:

- Phenza emakhasi endzaba. Khuluma ngemidvwebo.
- Cela bafundzi bacagele kutsi indzaba ingani basusela esihlokweni nasetitfombeni.
- Yetfula emagama lamasha kumbe lalukhuni embi kwekuba bafundzi bafundze indzaba.
- Yakha emakhadi emagama kwetfula emagama lamasha. (Bona luhla lwemagama lamasha ngekhatsi kwekhava.)

## Kufundza kwekulala:

- Umgundzi ngamunye kumele afundze umbhalo ayedvwa.
- Bafundzi abafundze bathulile noma-ke bahebete.
- Yani kumfundzi ngamunye umcele kutsi afundze umbhalo kakhulu.

## Kucocisana:

- Buta imibuto yesivisiso lesuselwa embhalwani.
- Caphelesisa imisindvo, emagama latayelekile kanye nemagama lamasha.
- Utawutfolu imisebenti ngemuva kulencwadzi iyinkhombandlela lesita kakhulu ekucocisaneni. (Khetsa imisebenti lesezingeni lebafundzi.)

## Kufundza kwesibili:

- Emalangeni lalandzelako lawula bafundzi kuphidndze bafundze incwadzi futsi, ngababili noma ngamunye.
- Nakisia kufundza lokungenatihibe, luhlelo nesilulumagama.
- Bafundzi abacedzele imisebenti yekusitwa yemacembu letfolakala ngemuva kulencwadzi.



Lawula bafundzi kutsi balinganise  
uma umbhalo uvuma.



Bafundzi kumele bente lomsebenti wekufundza  
ngemacembu nase bacedze kufundza.  
Abasebente ngemacembu kucedzela leyo  
misenbenti lefanele yekufundza ngemacembu  
letfolakala ngemuva encwadzini. Bangabhalu  
kulencwadzi. Umsebenti wekubhalwa kumele  
wentiwe emabhukwini abo ekubhalela.

# Umbhalo waDvubile



Ngingakacali nje ...

Tfwala Libito lami nguJohani Tfwala kodvwa  
bangani bami bangibita ngaDvubile. Njenga  
"Dvubile Dvumile," nami nginedayari. Ngikutsandza  
kakhulu kubhala kudayari yami futsi ngetama  
kubhala imibhalo leticeshana letimfisha onkhe  
emalanga. Kuyangisita kakhulu kucabanga ngekutsi  
ngingubani mine, ngentani lilanga ngelilanga,  
ngiphindza ngikhone kumelana netinkinga lenginato.


Ngingubani? Ngingumfana loneminyaka leyi-9  
budzala. Ngihlala edolobhaneni namake nababe.

Nginadzadzewetfu lomdzala kimi Philile, loneminyaka  
leli-12 losichochota kakhulu sinemnaketfu  
loneliminyaka lemitsatfu budzala loluhlupho kakhulu.

Nginjani nje mine? Ngimfisha kunabo bonkhe  
bangani bami futsi ngifaka tibuko. Kulesinye  
sikhatsi kuba yinkinga loko ngobe bantfwana  
bayangeya Bacabanga kutsi ngjingubobo bese  
bayangeya kodvwa nakufika lapho bangati khona,  
bayangitsandza ngaso sonkhe sikhatsi. Kulesinye

sikhatsi bayangihleka bacabange kutsi ngiyahlekisa.  
Nawungafundza idayari yami utawubona kutsi  
ngicondze kutsini.

Noma ngihlala elokishini, ngiya esikolweni  
endzaweni lelidolobha. Nginebangani labanyenti  
futsi batinhlobo letehlukene, kanye nemibala  
leyehlukene. Siba nekutijabulisa ndzawonye.  
Bangani bami labasembili boJabu, Robert,  
Jenny naShawn, noko nakute lobukako, naMary  
ngiyamtsandza, kakhulu nje.



Inyanga: Imphala, uMsombuluko

Lamuhla bekulilanga lekubuyela esikolweni emuva kwemaholide ami ekuba matasatasa kakhulu.

(Bengiye emaholideyini, ngigibele lihashi, ngawa ehhashini, angikacabangi nje ngesikolo.)

Esikolweni kube kuhle futsi

kuba naboJabu, Robert naShawn.

Inkinga yami icale nakuphuma sikolo.

Sibe nekuticecesha ebholeni yetinyawo


uMnu. Jones umceceshi ungitjele kutsi

ngibuke emapali ebhola bese


ngikhahlela ibhola.



Ngibone Mary angibuka ngasecadzini. Angati kufike ini kimi. Ngenta lisondvo-gici ngemtimba, phela sengetama kumjabulisa ngekuhamba nangetandla tami. Ngisuke lapho ngakhahlala kakhulu. Ibhola ihambise kwembane ngase ngiwa gankla ngatsi caba ngemhlane.





Ibhola indize yacondza  
etulu yase ibuya phansi  
yahhlala ebusweni bami  
yangishiya nemphumulo  
lebovu hhwe yingati!



## Lesihlanu

Lamuhla bekungulelinye futsi lilanga letinhlekelele.  
Make uhlale asitjela kutsi singabhukushi emfuleni.  
Lamuhla belishisa kakhulu, ngako-ke tsine  
na Robert sancoma kuyowubhukusha emfuleni.  
Sikhumule sashiya timphahla tetfu emadvwaleni.  
Sasaphata emanti sibhukusha emfuleni. Sikhatsi  
sihambe masinyane sisadlala sitijabulisa.

Emva kwesikhatsi lesidze nelilanga selitilahla kunina,  
siphumile emantini safuna timphahla tetfu. Nani  
kutifola. Sibuke yonkhe indzawo sase sibona  
timbuti tidla letimphahla tetfu. Ngibone imbuti  
ibaleka nesikhindi sami. Sitimbonye satimbonyisisa  
sase siyagijima siya ekhaya. Make bekatfukutsele  
afutselana! Angikavumeleki kuphuma ngiyowudlala  
liviki lonkhe. Ngitiva ngidvubuteke kabi ngobe  
timbuti tidle timphahla tetfu.



## Imphala, uMsombuluko

Kulobusuku balamuhla ngitiva ngidvubutekile futsi. Bekulusuku lwekhonsati yesikolo. Bekufanele ngidlale sigaba sekuba yimphungushe kulenzaba ye "Mazinyane lasikhombisa". Nangingena nje enkhundleni yekudlalela, ngivele ngakhhohlwa konkhe. Nobe bengilungiselela emagama lakhulunywa ngimi emaviki lamatsatfu lengcile, angikakhumbuli ngisho linye ligama. Ngibe nekwesaba kuma enkhundleni imilente yabopheka ngci.


Ngetamile kutsi, "Bantfwana ngingeniseni, ngingumake wenu. Kukhona lenginiphatsele kona lenitakudla." Liphimbo lami livele lanyamalala nje. Njingjingite ngatsi, "ban- ntf- bantfwana... ngi... kwenu...kudla!" Thishela wami abephishanekile ngekungifaka emagama kodvwa akazange aphume emlonyeni wami. Ngibabonile bemndeni wami etibukelini. Bengesaba kakhulu. Kutsite ngisaphuma enkhundleni, ngavele ngangcundza sibaya setimbuti sawa. Hawu nebakitsi konakala konkhe!



## Lesitsatfu

Lamuhla besineluhlolo IwesiNgisi. Bekuluhlolo Iwe-ANA lolubhalwa ngubo bonkhe bantfwana kulaseNingizimu Afrika. Ngisasebenta umlomo wami uvele woma nje. Bengesaba. Ngikhiphe ngekucophelela libhodlela lami lejusi ngetsemba kutsi angeke angibone thishela wami. Kodvwa ungjibonile! Asangibuka, ngishayise libhodlela ijusi yacitsekela ebhukwini lami leluhlolo yengcela kulaRobert.

Ngiyiswe ehhovisi lemphatsikolo washayela make lucingo. Ngifile ngumake futsi! Liciniso kutsi angikajabuli. Empeleni ngifikelwa kudvubuteka futsi.



Inyanga: Lweti


Lesitsatfu

Lamuhla njihambe ngayowuntjweza ngamtolotolo sinaboShawn naRobert. Siye epaki yetekuntjweza. BoShawn naRobert bantjweze beca emabhampi bengca nasesipolweni. Ngetamile kodvwa ngabhabhalala bhu ngebuso. Ngisesula lutfuli ebusweni bami, ngibone dzadzewetfu Philile loneminyaka leli-12 budzala. Utsite make uyangifuna.

Philile Utsetse makalabha wami wekuntjweza.


Ngemizuzwana nje wabese antjwize sigaba lesingaba yihhafu yelishubhu futsi aphencuka enta 360 wema-digril! Kwentiwa yini kutsi emantfombatana ahlala enta kahle etintfweni tonkhe nje! Ubese untjweza waya ekhaya, mine solo ngijijima ngemuva ngimlandzela ngetama kumkhandza. Make ungitsetsise kakhulu ngobe bengingakagcoki makalabha wekuntjweza.


Angikhonanga nekumchazela abone kutsi Philile ugcoke makalabha wami. Kulesinye sikhatsi bantfu labadzala kuyabaphica nje!



## Lesihlanu

Lamuhla besifuna kuyawuntjwiza futsi. Ngihambe ngayowulandza libhodi lami lekuntjweza ngakhandza linyamalele. Namakalabha wami bekanyamalele. Ngaleso sizatfu boJabu naShawn bavele bahamba bodywa baya epaki yekuntjweza. Kamuva ngilandzele ngelibhayisikili lami. Nangifika nje epaki ngibone mtolotolo wami namakalabha wami. Philile abegibebe libhodi lami, makalabha wami asenhloko yakhe. Abendiza Philile antjweza kuhle kwesihlabani! Abebukela Mary. Bekamemeta abongelela, "Wente kahle kakhulu Phili!" Ngekuhabma kwesikhatsi Philile wanginika mtolotolo wami kodvwa bengingakatimiseli kutenta silima emkhatsini wemantfombatana. Ngako-ke, ngitiva ngidvumele kakhulu, ngikhetse kusuka lapha epaki.





## Lisontfo

Lamuhla kudzingeke kutsi siye kagogo ngesidlo semadina. Kube mnandzi kubona bomzala wami, kodvwa kudzingeke kutsi ngibonane nayo yonkhe "lenkumbula" yabomake!

"Ase nibuke kutsi Joni muhle kwani!"

"Maye sewukhulile, nyalo sewulijaha lelikhulu!"

"Sowufundza Libanga 3 vele? Buka umfanyana lose akhule kangaka!"

Mam'ncane Jane ubese ungipha lijezi langinithele lona. Ngiyati kutsi unithe ngelutsandvo sitishi ngasinye kodvwa bekacabanga kutsi ngiseneminyaka lesihlanu budzala.

"Hawu, ngiyabonga Ncane. Bengisolo ngilifuna lijezi lelimtfubi", ngasho ngekutitfoba. Kulesinye sikhatsi bantfu labadzala kuyabaphica nje.




Inyanga: Lweti

Lesihlanu

Kulobusuku bayitolo ngihambe ngayowulala ekhabo Robert. Ngisetumekile ebutfongweni ungvusile Robert ngobe eva umsindvo ekhabetheni lakhe. Bekacabanga kutsi yinkanyamba. Setfuke kakhulu sagcina sikhanyise lithoshi ekhabethini sabona emehlo lamabili lamtfubi akhatimula. Masinyane nje kwaba khona lokuzubako kuphuma ekhabethini. Simemete ngekwesaba sicabanga kutsi yinkanyamba. Bekuyini? Eyi, bekulikati laRobert kodvwa angikhonanga kulala emva kwaloko.

Lamuhla ngilele hhu eklasini. Thishela wami utsite utawushayela make lucingo kwenteke ngiyagula. Ngimtjelile thishela kutsi angikalali kahle kulobusuku lobengcile. Kodvwa uvele washayela make. Kulesinye sikhatsi bantfu labadzala kuyabaphica nje.



## Lesibili

Lamuhla-ke bekulusuku lwekutalwa kwathishela wami. Make unjinike sikhehle setimbali letibovu tathishela wami. "Angeke ngitfwale timbali ebhasini," ngiticabangela. Labanye bantfwana batawucabanga kutsi ngingumuntfu lonjani nje." Sekavele acabanga kutsi ngingubobo. Uchubekile kodvwa make kungiphocelela kutsi ngitettfwale ngiye nato esikolweni. Ngisahamba ngiya esiteshini semabhasi, ngibe nemcondvo wekutifaka esikhwameni sami kute kubete lotatibona. Ngibe wekucala eklasini, futsi ngingene ingakakhali insimbi kute kubete lotangibona ngetfwele timbali letibovu.

"Kusile Nkhst Mvulane, ngikufisela lusuku loluhle lwekutalwa ." (Bengifisile kutsi kubete longibonako.) Ngatikhokha timbali esikhwameni sami kodvwa bese tibatalele tephukile emkhatsini. "Wuu, maye ngiyabonga Joni" washo abonga. "Leti ngito vele bengitifuna .Tinhl ... e...tinhl kakhulu." Ngicabange ngelijezi lami lelimtfubi. Kulesinye sikhatsi bantfu labadzala nabo bayatentisa.



# Umsebenti wekufundza ngemacembu



I

Cocisana nemngani wakho ngalombhalo.

- a. Yehluke ngani idayari encwadzini yetindzaba?
- b. Uyayibhala yini idayari? Uyibhalelani idayari?
- c. Tjela umngani wakho kutsi uwutsandzile yini lombhalo. Nika sizatfu semphendvulo yakho.
- d. Uke wahlangabetana naletigameko letifana naletichazwa nguJohani kudayari yakhe?
- e. Nakunjalo, tjela umngani wakho ngato nekutsi tigameko takwenta wativa unjani.
- f. Ngabe watigwema njani Johani letinye tetigameko labhala ngato?
- g. Ucabanga kutsi yini lencwadzi ibitwe ngekutsi Umbhalo waDvubile?
- h. Kwaya ngani kutsi Johani acabange kutsi "bantfu labadzala kuyabaphica nje"?



2

Dvubile usebentisa emagama  
eSiswati langakatayeleki ekubhaleni.  
Asho kutsini lamagama?

bobo

kuyabaphica

inkumbula

inkanyamba



3

Fundzela umngani wakho lemisho bese  
uyibeka kahle ngekulandzelana kwayo.

- Johani utihlazile ngesikhatsi baticeceshela kudlala ibhola yetinyawo naketama kujabulisa Mary.
- Johani ucitsele ijusi ebhukwini lakhe lekubhalela luhlolo.
- Mary ubukele dzadze wabo Johani "nakantjweza" njengesihlabani.
- Basabhukusha emfuleni bo Johani nebanganzi bakhe, timbuti tidle timphahla tabo.



4

Bhala umbhalo wedayari ngalokuhlekisako  
lowake wahlangabetana nako.  
Khumbula kubhala lusuku.

Lilanga:

Lusuku:



5

Tfola nkhamisa abe munye kulelo nalelo  
lalamagama. Sebentisa emagama lasi-5  
kulawa ubhale imisho yakho ngawo.

bobo	imbali	bhala
ntjweza	dlala	make
dzala	dzadze	dvuba

# LIBANGA 3 LULWIMI LWASEKHAYA



Incwadzi 4

<b>Sihloko:</b>	Umbhalo waDvubile
<b>Lulwimi:</b>	Siswati
<b>Sigaba:</b>	Libanga 3 Tindzaba teLulwimi Lwasekhaya Sigaba 1 Incwadzi 4
<b>Luhlolo lwembhalo:</b>	Idayari
<b>Emagama ekukhunjulwa:</b>	emva kwe, nanobe, njalo nje, lenye, ngoba, embi kwe, ngekwetfu, kodvwa, ngalesinye sikhatsi, kuyenteka
<b>Emagama:</b>	nemahhunga, khona lapho, luvalo, khiyeka, umkhandlu, chachatela, inhlekelele, kwesaba, ngingita
<b>Imisindvo:</b>	<ul style="list-style-type: none"> <li>Emagama lanhlamvumbili sib. Ndzamba, dlala, bona, hamba, make</li> <li>Emagama lasho tintfo letifanako: jabula/ tsakasa, dzamba/jabha, hleka/gegetseka</li> <li>Emagama levakala afana kepha ashо lokwehlukene, sib. bani (kubuta umuntfu)/ bani (kulawula), lona (sabito selucobo)/ lona (kukhomba edvute)</li> </ul>
<b>Lokucuketfwe, Imicondvo neMakhono:</b>	<ul style="list-style-type: none"> <li>Kucoca ngemehluko lokhona emkhatsini wedayari nencwadzi yetindzaba.</li> <li>Kusho kutsi indzaba uyitsandzile yini nekusekela kabanti imphendvulo yakhe.</li> <li>Kufundza aphendvule imibuto yesivisiso.</li> <li>Kuchaza lokushiwo ngemagama.</li> <li>Kubeka tigameko ngekulandzelana kwato.</li> <li>Kubhala umbhalo wedayari.</li> <li>Kubona bomcondvofana.</li> </ul>

EmaCAPS adzinga kutsi bothishela babeke sikhatsi ngelilanga kutsi babukane nekufundza ngemacembu ngekusitwa nguthishela.

Kufundza kwemacembu ngekusitwa kudzinga kutsi bafundzi babe sezingeni lelifanako kute bafundze umbhalo munye, ngemacembu, ngekusitwa nguthishela.

Thishela kumele ahlele sikhatsi sekufundza sifake ekhatsi emasu ekusebentisa emagama lamasha nembhalo wesiviso bafundzi labatawudzinga nabafundza.

Lamasu aphindze adzinge kutsi thishela nemfundzi bacoce ngembhalo nebatfundzi nabo baphindze bente kanjalo emacerjini abo. Letincwadzi tifaka ekhatsi imisebenti leminyentana yekucocisana ngekufundza ngemacembu.

ISBN 978-1-4315-2612-3



9 781431 526123

ISBN 978-1-4315-2612-3



**THIS BOOK MAY NOT  
BE SOLD.**



**basic education**

Department:  
Basic Education  
**REPUBLIC OF SOUTH AFRICA**

Published by the Department of Basic Education  
222 Struben Street, Pretoria  
South Africa

© Department of Basic Education  
First edition 2016

The Department of Basic Education has made every effort to trace copyright holders but if any have been inadvertently overlooked, the Department will be pleased to make the necessary arrangements at the first opportunity.

**Letinye tincwadzi  
kuleligcogco leLulwimi  
Lwasekhaya Libanga 3:**



**Mgwaja kaGwaja uphamba  
uMnu Mphisi**

**Ekujuleni kwelwandle**

**Kwaba mnandzi ekhishini**

**Umbhalo waDvubile**



**Teca tonkhe**

**Akumhambeli kahle Thandi  
lamuhla**

**Simanga semphelasontfo**



**Inunu ewodilobhini yami**

**Anyamalala-ke emakhekhana**

**Emaciniso lacakile**